

摘藻堂四庫全書薈要

集部

欽定四庫全書薈要卷一萬八千二百二十二

集部

御定全唐詩卷八百十七

皎然

奉和顏使君真卿與陸處士羽登妙喜寺三癸

亭

亭即陸生所創

秋意西山多列岑  
縈左次繕亭歷三癸

三癸以癸丑歲癸卯朔癸亥日

立  
疏趾鄰什寺元化  
隱靈蹤始君啟高  
誄一作誅榛養

翹楚鞭草理芳穗  
俯砌披水容逼天  
掃峯翠境新耳目

換物遠風烟異倚石忘世情  
援雲得真意嘉林幸勿剪  
禪侶欣可庇衛法大臣過  
佐遊羣英萃龍池護清澈  
虎節到深邃徒想崦頂期  
於今沒遺記

奉陪陸使君長源裴端公樞春遊東西虎丘寺  
雲水夾雙刹遙疑涌平陂  
入門見藏山元化何繇窺  
曳組探詭怪停驄訪幽竒  
情高氣為爽德暖春亦隨  
瑤草自的皜蕙樓爭蔽虧  
金精落壞陵劍彩沈古池  
一覽市天界中峰步未移  
應嘉一作喜生公石列坐  
援松枝

奉和陸使君長源夏月遊太湖

此時公權領湖州

庚公心曠遠府事局耳目遂與南湖遊虛襟滌煩燠始

知皇天意積水在亭育細流信不讓動物欣所蓄萬頃

合天容洗然無雲族峭蒨矚仙嶺

神仙傳洞庭神仙所居也

超遙隨

明牧知公愛澄清波靜氣亦肅已見橫流極況聞長鯨

戮

會北信至王師已收長安

中洲暫採蘋

即柳惲汀洲採蘋之意也

南郡思剖

竹

公時改授信州

向夕分好風飄然送歸舳

奉和崔中丞使君論李侍御萼登爛柯山宿石

橋寺効小謝體

常愛謝公郡幽期願相從果迴青驄臆共躡玄仙踪靈  
境若髣髴爛柯思再逢飛梁丹霞接古局蒼苔封往想  
冥昧理誰親冰雪容蕙樓聳空界蓮宇開中峰今為仙  
寺晉是

仙山遺局古橋  
升仙之處見在

昔化沖虛鶴今藏護法龍雲窺香樹杳

月見色天重永夜寄岑寂清言滌心胸盛遊千年後書  
在巖中松

同顏使君真卿李侍御萼遊法華寺登鳳翅山

望太湖

雙峯開鳳翅，秀出南湖州。  
地勢抱郊樹，山威增郡樓。  
正逢周柱史，來會魯諸侯。  
緩步凌彩雘，清鏡發颼颼。  
披雲得靈境，拂石臨芳洲。  
積翠遙空碧，含風廣澤秋。  
蕭辰資麗思，高論驚精修。  
何似鍾山集，微文及惠休。

奉陪陸使君長源諸公遊支硎寺

寺即支公學道處

嘗覽高逸傳，山僧有遺蹤。  
佐遊繼雅篇，嘉會何繇逢。  
塵世即下界，色天當上峯。  
春暉徧衆草，寒色留高松。  
繚繞

彩雲合參差綺樓重瓊葩灑巾烏石淪清心胸靈境若  
可託道情知所從

奉陪鄭使君諤遊太湖至洞庭山登上真觀却  
望湖水

郡齋得無事放舟下南湖湖中見仙邱果與心賞俱不  
遠風物變忽如寰宇殊背雲視層崖別是登蓬壺突兀  
盤水府參差昏天衢迴瞻平蕪盡洪流豁中區氣吞江  
山勢色淨氛靄無靈長習水德勝勢當地樞朝宗動歸

心萬里思鴻途

奉和袁使君高郡中新亭會張鍊師晝會二上

人

置亭隱城堞事簡跡易幽公性崇儉素雅才非廣求傍  
簷竹雨清拂案杉風秋不移府中步登茲如遠遊坐覺  
詩思高俯知物役休虛寂偶禪子逍遙親道流更聞臨  
川作下節安能酬

奉和陸使君長源水堂納涼效曹劉體



柳家陶

一作避

暑亭意遠不可齊煩襟蕩朱弦高步援綠

萸愛公滿亭客來是清風攜滢渟前溪上曠望古郡西  
六月正中伏水軒氣常淒野香襲荷芰道性親鳧鷖禪  
子顧惠休逸民重劉黎乃知高世量不以出處睽

夏日奉陪陸使君長源公堂集

府中自清遠六月高梧間寥亮泛雅瑟逍遙扣玄闕嶺  
雲與人靜庭鶴隨公閒動息諒兼遂茲情即東山

九日和于使君思上京親故

霽景滿水國我公望江城碧山與黃花爛熳多秋情  
搖落見松柏歲寒比忠貞歡娛在鴻都是日思朝英

伏日就湯評事衡湖上避暑

大火方燥石停雲晝亦收將從賞心侶寸景難遠遊  
擁几苦炎伏出門望汀洲迴溪照軒宇廣陌臨梧楸  
釋悶命雅瑟放情思亂流更持無生論可以清煩憂

奉和顏使君真卿修韻海畢會諸文士東堂重

校

外學宗碩儒游焉從後進恃以仁恕廣不學門欄峻著  
書裨理化奉上表誠信探討始河圖紛綸歸海韻親承  
大匠琢况觀頽波振錯簡記鈇槩音籤閱書移玉鎮曷繇  
旌不朽盛美流歌引

喜義興權明府自君山至集陸處士羽青塘別

業

應難久辭秩暫寄君陽隱已見縣名花會逢闡是粉本  
自尋人至寧因看竹引身闌白雲多門占春山盡最賞

無事心籬邊釣溪近

夏日集李司直縱溪齋

修景屬良會，遠颺生煩襟。  
泄雲收淨綠，衆木積芳陰。  
疏滌府中務，迢遙湖上心。  
習閑得招我，賞夜宜泛琴。  
山近資性靜，月來寄情深。  
澹然若事外，豈藉隳華簪。

夏日題桐廬楊明府納涼山齋

陶家無炎暑，自有林中峯。  
席上落山影，桐梢迴水容。  
放懷涼風至，緩步清陰重。  
何事親堆按，猶多高世蹤。

和楊明府早秋遊法華寺

釋事出縣閣初聞茲山靈寺扉隱天色影剎遙丁丁碧  
峯委合沓香蔓垂窈窕清景為公有放曠雲邊亭秋賞  
石潭潔夜嘉杉月清誦空性不昧助道跡又經是以於  
物理紛然若未形移來字人要全與此道冥

宿道士觀

古觀秋木秀冷然屬鮮飈瓊葩被修蔓柏實滿寒條影  
殿山寂寂寥天月昭昭幽期寄仙侶習定至中宵清佩

聞虛步真官方宿朝

冬日天井

一作目

西峯張鍊師所居

採薪逢野泉漸見棲閒所坎坎山上聲幽幽林中語仙

鄉何代隱鄉服言亦楚開水

一作冰

淨

一作洗

藥苗掃雪候

山侶零葉聚敗籬幽花積寒渚冥冥孤鶴性天外思輕  
舉

奉同顏使君真卿開元寺經藏院會觀樹文殊

碑

萬國布殊私千年降祖師雁門傳法至龍藏立言時故  
實刊周典新聲播魯詩六銖那更拂劫石盡無期

奉同盧使君幼平遊精舍寺

影剎西方在虛空翠色分人天霽後見猿鳥定中聞真  
界隱青壁春山凌白雲今朝石門會千古仰斯文

奉同顏使君真卿袁侍御駱駝橋翫月

山中常見月不及共遊時水上恐將缺林端愛落遲烏  
驚憲府客人詠鮑家詩永夜南橋望裴回若有期

和邢端公登臺春望句句有春字之什

春日繡衣輕春臺別有情春煙間草色春鳥隔花聲春  
樹亂無次春山遥得名春風正飄蕩春甕莫須傾

經仙人渚即沈山下古人沈義一作義白日昇仙

處

日月人間短何時此得仙古山春已盡遺渚事空傳不  
見騰雲駕徒臨洗藥泉如今成逝水翻使恨流年

獨遊二首



性野趣無端春晴路又乾  
逢泉破石弄放鶴向雲看好  
僻誰相似從狂我自安  
芳洲亦有意步上白沙灘

臨水興不盡虛舟可同嬉  
還雲與歸鳥若共山僧期  
世事吾不預此心誰得知  
西峯有禪老應見獨遊時

遊溪待月

溪色思泛月沿洄欲未歸  
殘燈逢水店踈磬憶山扉  
夜浦魚驚少空林鵲遶稀  
可中纔望見撩亂擣寒衣

西溪獨泛

道情何所寄素舸漫流間真性憐高鶴無名羨野山經  
寒叢一作苦竹秀入靜片雲閒泛泛誰為侶唯應共月還

早秋陪韓明府泛阮元公溪

公嘗言禪功可入  
而宦情詎能忘故

詩中有此  
意戲之

雨信清殘暑蕭條古縣西早涼生浦淑秋意滿高低前  
事雖堆案閒情得沂溪何言戰未勝空寂用還齊

九日陪顏使君真卿登水樓

重陽荆楚尚高會此難陪偶見登龍客同遊戲馬臺風

文向水疊雲態擁歌迴持菊煩相問捫襟媿不才

與盧孟明別後宿南湖對月

五

一作南

湖生夜月千里滿寒流曠望煙霞盡淒涼天地

秋相思路渺渺獨夢

一作望

水悠悠何處空江上

一作裏

裴

回送

一作娟娟伴

客舟

自義亭驛送李長史縱夜泊臨平東湖

長亭賓馭散歧路起悲風千里勤王事驅車明月中寒  
生洞庭水夜渡塞門鴻處處堪傷別歸來山又空

出遊

少時不見山便覺無竒趣  
狂發從亂歌情來任閒步  
此心誰共證笑看風吹樹

界石守風望天竺靈隱二寺

山頂東西寺江中旦暮潮  
歸心不可到松路在青霄

奉和顏使君真卿修韻海畢州中重宴

世學高南郡身封盛魯邦  
九流宗韻海七字揖文江  
借賞雲歸堞留歡月在窓  
不知名教樂千載與誰雙

晦日陪顏使君白蘋洲集

南朝分古郡山水似湘東堤月吳風在湔裾楚客同桂  
寒初結柿蘋小欲成叢時晦佳游促高歌聽未終

冬至日陪裴端公使君清水堂集

亞歲崇佳

一作高

宴華軒照淥波渚芳迎氣早山翠向晴

多推往知時訓書祥

一作雲

辨政和從公惜日短留賞夜

如何

陪盧判官水堂夜宴

暑氣當宵盡，裴回坐月前。  
靜依山堞近，涼入水扉偏。  
久是棲林客，初逢佐幕賢。  
愛君高野意，烹茗釣淪漣。

新秋同盧侍御薛員外白蘋洲月夜

隔暑蘋洲近，迎涼欲泛舟。  
榮從憲府至，喜會夕郎遊。  
氣奪滄浪色，風欺汗漫流。  
誰言三伏夜，獨此月前秋。

夏日集裴錄事北亭避暑

前林夏雨歇，為我生涼風。  
一室煩暑外，衆山清景中。  
忘歸親野水，適性許雲鴻。  
蕭散都曹吏，還將靜者同。

與王錄事會張徵君姊妹鍊師院翫雪兼懷清  
會上人

何意廉從事還來會默仙寒空驚雪徧春意入歌偏瑤  
草三花發瓊林七葉連飄颻過柳寺應滿譯經前

和李侍御萼歲初夜集處士書閣

書閣即侍  
御所創

遲賢新置閣高意此郊居古徑行春早新窓見月初放  
歌還倚瑟講道亦觀書為我留禪位來逢此會疎

湯評事衡水亭會覺禪師

山侶相逢少清晨會水亭雪晴松葉翠煙暖藥苗青靜  
對滄洲鶴閒看古寺經應憐叩一作關子一作了義共心冥  
與朝陽山人張朝夜集湖亭賦得各言其志

洞庭孤月在秋色望無邊零露積衰草寒螿鳴古田茫  
茫區中想寂寂塵外緣從此悟浮世胡為傷暮年

晦夜李侍御萼宅集招潘述湯衡海上人飲茶

賦

晦夜不生月

一作可坐

琴軒猶為開牆東隱者在淇上逸僧



來茗愛傳花飲詩看卷素裁風流高此會曉景屢裴回  
寄昱上人上方居

厭向人間住逢山欲懶歸片雲閒似我日日在禪扉地  
靜松陰徧門空鳥語稀夜涼疎磬盡師友自相依

夏日與綦母居士昱上人納涼

為依爐峯住境勝增道情涼日暑不變空門風自清坐  
援香竇近轉愛綠蕪生宗炳青霞士如何知我名

建元寺集皇甫侍御書閣

不因居佛里無事得相逢名重朝端望身高俗外蹤

公愛

講佛經嘗云慕劉處士深詣至理

機閒看淨水境寂聽疎鐘宣室恩長

在知君志未從

### 郭北尋徐主簿別業

近依城北住幽遠少人知積雪行深巷閒雲繞古籬竹  
花冬更發橙實晚仍垂還共巖中鶴今朝下淥池

### 題報德

一作思

### 寺清幽上人西峯

寺即陳文帝故鄉

陳世凋亡後仁祠識舊山帝鄉喬木在空見白雲還雙

塔寒林外三陵暮雨間此中難

一作雖

戰勝君獨啟禪關

題鄭谷江畔桐齋

鄭生好琴性  
達兼寡欲

客齋開別住坐占綠江濱流水非外物閒雲長屬君浮  
榮未可累曠達若為羣風起高梧下清弦日日聞

和閩士和李蕙冬夜重集

郡理日間曠洗心宿香峯雙林秋見月萬壑靜聞鐘珮  
玉行山翠交麾動水容如何股肱守塵外得相從

春日陪顏使君真卿皇甫曾西亭重會韻海諸

生

為重南臺客朝朝會魯儒  
暄風衆木變清景片雲無  
峯翠飄簷下溪光照座隅  
不將簪艾隔知與道情俱

寒食日同陸處

一本無此字

士行報德寺宿解公房

古寺

一作欲問

章陵下

一作寺

潛

一作支

公住幾年安心生  
輭草

灌頂引春泉

一作亂山春霽裏微徑古松邊

寂寂傳燈地  
寥寥禁火天

世間

一作人

多暗室白日為誰懸

兵馬曹季良宅夜集

清景不可失尋君趣有餘身高避事後一作道長問心

初出處名則異遊從跡何疎吟看刻盡燭笑卷讀殘書  
露彩生筆硯風音入庭除平明仙侶散轂鯨動迴車

同李侍御萼李判官集陸處士羽新宅

素風千戶敵新語陸生能借宅心常遠移籬力更弘釣  
絲初種竹衣帶近栽藤戎佐推兄弟詩流得友朋柳陰  
容過客花徑許招僧不為牆東隱人家到未曾

題報恩寺惟照上人房

上界兩色乾涼宮日遲遲水文披菡萏山翠動果愚中  
有清真子惜惜步閒墀手縈頗黎縷願證黃金姿旋草  
堦下生看心當此時

亦名苾芻草枝葉皆右  
旋故名旋草草有五德

### 尋天目徐君

常見仙翁變姓名豈知松子號初平逢人不道往來處  
賣藥還將雞犬行獨鶴天邊俱得性浮雲世上共無情  
三花落地君猶在笑撫安期昨日生

同李著作縱題塵外上人院

百緣唯有什公瓶萬法但看一字經從遣鳥喧心不動  
任教香醉境常冥蓮花天晝浮雲卷貝葉宮春好月停  
禪伴欲邀何著作空音宜向夜中聽

題周諫別業

予寺與周生所  
居俱臨茗水

隱身茗上欲如何不著青袍愛綠蘿柳巷任疎容馬入  
水籬從破許船過昂藏獨鶴閒心遠寂歷秋花野意多  
若訪禪齋遙可見竹窓書幌共煙波

同李中丞洪水亭夜集

佳人但且一作莫吹參差正憐月色生酒卮山公一作翁取

醉不關我為一作目愛尊前白鷺鷥

題秦系山人麗句亭

獨將詩教領諸生但看青山不愛名滿院竹聲堪愈疾

亂牀一作林花片足忘情

春夜集陸處士居一本無此字翫月

欲賞芳菲肯一作不待辰一作晨忘情人訪有情人西林可

一作是無清景祇為忘情不記春



寄題雲門寺梵月無側房

時人相傳是竇月道人後身也

越山千萬雲門絕西僧貌古還名月清朝掃石行道歸  
林下眠禪看松雪

法華寺上方題江上人禪空

路入松聲遠更竒山光水色共參差中峯禪寂一僧在  
坐對梁朝老桂枝

冬日山行過

一作遇

薛徵君

我行倦修坂四顧無平陸雨霽鳴鷹鷗天寒聚麋鹿幽

人訪名士家在南岡曲菜實繁小園稻花遶山屋深居  
寡憂悔勝境怡耳目徵心尚與我永言謝浮俗

往丹陽尋陸處士不遇

遠客殊未歸我來幾惆悵叩關一日不見人繞屋寒花  
笑相向寒花寂寂徧荒阡柳色蕭蕭愁暮蟬行人無數  
不相識獨立雲陽古驛邊鳳翅山中思本寺魚竿村口  
望歸船歸船不見見寒煙離心遠水共悠然他日相期  
那可定閒僧著處即經年

集湯評事衡湖上望微雨

蒼涼遠景中  
雨色緣山有  
雲送滿洞庭  
風吹繞楊柳  
蕭蕭解輕袂  
盡日隨林叟

九日與陸處士羽飲茶

九日山僧院  
東籬菊也黃  
俗人多泛酒  
誰解助茶香

夜過康錄事造會兄弟

愛君門館夜  
來清瓊樹雙  
枝是弟兄  
月在詩家偏  
足思風過客  
位更多情

題沈少府書齋

不下南昌縣書齋  
每日閒野花當砌  
落溪鳥逐人還有  
興常臨水無時不見山  
千峯數可盡不出小窓間

春夜與諸公同宴呈陸郎中

南國宴佳賓  
交情老倍親  
月慙紅淚燭  
花笑白頭人  
寶瑟絃一作垣  
餘怨瓊枝不讓春  
更聞歌子夜  
桃李艷妝新

九日阻雨簡高侍御

時與高公近鄰

江上重雲起  
何曾裛巾塵  
不能成落帽  
翻欲更推申  
素

髮間依枕黃花暗待人且應攜下價芒屨就諸鄰

第二句缺

字一

晚春尋桃源觀

武陵何處訪仙鄉古觀雲根路已荒  
細草擁壇人跡絕落花沈澗水流香  
山深有雨寒猶在松老無風韻亦長  
全覺此身離俗境玄機亦可照迷方

同盧使君幼平郊外送閩侍御歸臺

留餞飛旌駐離亭草色間柏臺  
今上客竹使舊朝班日

落東西水天寒遠近山古江分楚望殘柳入隋關  
心常積迴軒日不閒芳辰倚門道猶得及春還

御定全唐詩卷八百十七

欽定四庫全書薈要卷一萬八千二百二十三

集部

御定全唐詩卷八百十八

皎然

送梁拾遺肅歸朝

明主重文諫才臣出江東東書辭東山改服臨北風萬  
里望皇邑九重當曙空天開芙蓉闕日上蒲桃宮天子  
初未起金閨籍先通身逢軒轅世名貴駕鸞中故人榮  
此別何用悲絲桐



奉陪楊使君頊送段校書赴南海幕

碩賢靜廣州信為天下貞屈茲大將佐藉彼延閣英聲  
動柳吳興郊餞意不輕吾知殺夫子高論闢蒼生處以  
德為藩出則道可行遙知南樓會新景當詩情天高林  
瘴洗秋遠海色清時泰罷飛檄唯應頌公成

送陸侍御士佳赴上京

長安三千里喜行不言永清路黃塵飛大河滄流靜更  
懷西川府主公昔和鼎伊鬱瑤瑟情威遲花驄影此時

已難別日又無停景出餞闕相從心隨過前嶺

奉陪顏使君真卿登峴山送張侍御嚴歸臺

峴首千里情北轅自茲發煙霞正登覽簪筆限趨謁黃  
鶴望天衢白雲歸帝闕客心南浦柳離思西樓月留賞

景不延

一作不延景

感時芳易歇他晨有山信一為訪林樾

酬元主簿子球別贈

故人方遠適訪我陳別情此夜偶禪室一言了無生覽  
君緘中寶如塞清玉瑛胡為蘊高價歲晚徒營營辭秩

貧且病何人見艱貞出無黃金橐空歌白苧行威遲策  
駑馬獨望故闕樹渺渺千里心春風起中路近聞新拜  
命鸞鳳猶棲棘勸君寄一枝且養冥冥翼甘泉多竹花  
明年待君食

荅道素上人別

春色徧遠道寂寞閩中行碧水何渺渺白雲亦英英離  
人不可望日暮芳洲情黃鶴有逸翮翹首白雲傾欲為  
山中侶肯秘遼天聲藍縷真子褐歲蕤近臣纓以茲奪

爾懷常恐道不成吾門弟子中不減惠休名一性研已  
遠五言功更精從君汗漫遊莫廢學無生忍草肯搖落  
禪枝不枯榮采采慰長路知吾心不輕幻情有去住真  
性無離別留取老桂枝歸來共攀折

雪溪館送韓明府章辭滿歸

洛令從告還故人東門餞惠愛三年積軒車一夜遠曉  
月離館空秋風故山晚榮君有嘉薦顧我阻遊衍宿昔  
峯頂心依依不可卷

送穆寂赴舉

天子錫玄纁，傾山禮隱淪。  
君拋青霞去，榮資觀國賓。  
劍光既陸離，瓊彩何璘玢。  
夙駕別情遠，商弦秋意新。  
冥冥鴻鵠姿，數尺看蒼旻。  
殘寇近宋郊，西行惡飈塵。  
立身素耿介，處難思經綸。  
春府搜才日，高科得一人。

送張

一本有仲字

彝歸長沙

早聞凌雲彩，謂在鴛鴦儔。  
華髮始相遇，滄江仍旅遊。  
策名忘苟進，澹慮輕所求。  
常服遠遊誠，緬懷經世謀。  
片帆

背風渚萬里還湘洲別望荆雲積歸心漢水流  
蘭苔行采采桂櫂思悠悠宿昔無機者為君動離憂

秋日毘陵南寺送潘述之揚州

孤客秋易傷嘶蟬靜仍續佳晨亦已屢歡會常不足  
禪地非路歧我心豈羈束情生遠別時坐恨清景促望中  
千里隔暮歸西山曲蕭條月中道彩檣原上綠不見同  
心人幽懷增躑躅

春日又送潘述之揚州

別渚望邗城歧路春日徧柔風吹楊柳芳景流郊甸日

日東林期今夕異鄉縣文房曠佳士禪室阻清盼

潘生曾受

禪印離恨奪賞心不得諧所願莫憶山中人碧雲遙可見

### 新秋送盧判官

故人念宿昔欲別增遠情入座炎氣屏為君秋景清  
繇來空山客不怨離弦聲唯有暮蟬起相思碧雲生

### 奉送袁高使君詔徵赴行在效曹劉體

皇心亭毒廣螫賊皆陶甄未刈蚩尤旗方同軒后年天

子幸漢中輾轅阻氛煙璽書召幕

一作英

牧名在列岳仙

國難倚長城廟謀資大賢清損休汝騎仁留述職篇遐  
路渺天末繁笳思河邊飾徒促遠期祇命赴急宣謏才  
豈足稱深仁顧何偏那堪臨流意千里望旗旃

奉送陸中丞長源詔徵入朝

詔下鄴侯幕徵賢寵上

一作大

勲才當持漢典道可致堯

君藩牧今榮餞詩流此盛文水從吳渚別樹向楚門分  
宿寺期嘉月看山識故雲歸心復

一作欲

何奈

一作託

悵



在江濱

奉送李中丞道昌入朝

文憲中司盛恩榮外鎮崇諸侯皆取則八使獨推功詔  
喜新銜鳳車看舊飾熊去思今武子餘教昔文翁清在

一作如江水仁留是國風光一作徵二千石掃第望司

空

冬日

一本有奉字

送顏延之明府撫州覲叔父

一作覲省

臨川千里別惆悵上津橋日暮人歸盡山空雪未消鄉

雲心渺渺楚水路  
遥遥林下方歡會  
山中獨寂寥  
天寒驚斷雁  
江信望迴潮  
歲晚流芳歇  
思君在此宵

一作紫霄

送關小師還金陵

如何有歸思  
愛別欲忘難  
白鷺沙洲晚  
青龍水寺寒  
蕉花鋪淨地  
桂子落空壇  
持此心為境

一作鏡

應堪月夜看

峴山送裴秀才赴舉

漢家招秀士  
峴上送君行  
萬里見秋色  
兩河傷遠

一作別

情王師出西鎬  
虜寇避

一作寢

東平天府登名後  
迴看楚

水清

酬別襄陽詩僧少微

詩中荅上人  
歸夢之意

證心何有夢示說夢歸頻文字齋秦本詩騷學楚人蘭  
開衣上色柳向手中春別後須相見浮雲是我身

送契上人遊揚州

西陵古江口遠見東揚州淥水不同泛春山應獨遊尋  
僧白巖寺望月謝家樓宿昔心期在人寰非久留

送德清衛明府赴選

時柳黜陟  
有薦狀

八使慎求能東人獨薦君身猶千里限名已九霄聞遠  
路翻喜別離言暫惜分鳳門多士會擁佩入卿雲

送鄭孝廉淮西覲省

離袂翠華滿晨羞欲早行春風生楚樹曉角發隋城野

靄

一作  
山露

濕衣彩江鴻增客情征途不用戒坐見

一作  
月

白

波清

送沈秀才之閩中

越客不成歌春風起淥波嶺重寒不到海近瘴偏多野

戍枕榔發人家翡翠過翻疑此中好君問定如何

送清會上人遊京

佳遊限衰疾一笑向西風思見青門外曾臨素澹東峯

明雲際寺

寺名

日出露寒宮

宮名

行道禪長在香塵不染空

送沈居士還太原

辭官

一作鄉

因世難家族盛南朝名重郊居賦

沈休文作郊居賦

才高獨酌謠

沈文子作

浪花飄一葉峯色向三條高逸雖成

性弓旌肯忘

一作妄

招

同顏使君真卿峴山送李法曹陽冰西上獻書  
時會有詔徵赴京

漢日中郎妙周王太史才雲書捧日去鶴版下天來草

見吳洲

一作宮

發花思御苑開羊公惜

一作昔

風景欲別幾

遲迴

兵後送姚太祝赴選

兩河兵已偃處處見歸舟日夜故人散江臯芳樹秋楚  
雲傷遠思秦月憶佳遊名動春官籍翩翩才少儔

兵後送薛居士移家安吉

舊遊經喪亂道在復何人  
寒草心易折閒雲性常真  
交情別後見詩句比來新  
向我桃州住惜君東嶺春

送鄔倬之洪州覲兄弟

年少足詩情西江楚月清  
書囊山翠濕琴匣雪花輕  
久別經離亂新正憶弟兄  
贈君題樂府為是豫章行

送乾封李成

羽檄飛未息離情遠近同  
感君繇泛瑟關我是征鴻  
眇

默歸人盡踈蕪夜渡空還期當歲晚獨在路行中。

送崔判官還揚子

輕傳祇遠役依依下姑亭秋聲滿楊柳暮色繞郊垌煙  
水搖歸思山當楚驛青

奉酬袁使君西樓餞秦山人與晝同赴李侍御  
招三韻

秋風怨別情江守上西城竹署寒流淺琴窓宿雨晴治  
書招遠意知共楚狂行



送清涼上人

何意欲歸山道高繇境勝花空覺性了月盡知心證永  
夜出禪吟清猿自相應

送李丞使宣州

結駟何翩翩落葉暗寒渚夢裏春穀泉愁中洞庭雨聊  
持剡山茗以代宣城醕

送至洪沙彌遊越

知爾學無生不應傷此別相逢宿我寺獨往遊靈越早

晚花會中經行剡山月

送皇甫侍御曾還丹陽別業

雲陽別夜憶春耕  
花發菱湖問去程  
積水悠揚何處夢  
亂山稠疊此時情  
將離有月教弦斷  
贈遠無蘭覺意輕  
朝右要君持漢典  
明年北墅可須營

白蘋洲送洛陽李丞使還

蘋洲北望楚山重  
千里迴輶止一封  
臨水情來還共載  
看花醉去更相從  
罷官風渚何時別  
寄隱雲陽幾處逢

後會那應似疇昔年年覺老雪山容

送履霜上人還金陵西山

攜錫西山步綠莎  
禪心未了奈情何  
湘宮水寺清秋夜  
月落風悲松柏多

送辨聰上人還廣陵

莫學休公學遠公  
了心須一作還與我心同  
隋家古柳數

株在看取人間萬事空

送清勵上人遊福建

禪子自矜禪性成將來心一作擬照建溪清南看閩樹花

不落更取何緣

情一作

了妄情

送顧道士遊洞庭山

見說洞庭無上路春遊亂踏五靈芝  
含桃風起花狼籍正是仙翁碁散時

送邢台州濟

一作送獨孤使君赴岳州

海上仙山屬使君石橋琪樹古一作來聞他時畫出白

團扇乞取天台一片雲

送柳察諫議叔

東城南陌強經過，怨別無心亦放歌。  
明日院一作公應

問我閒雲長在石門多

送柳淡扶侍赴洪州

此子素少宦情，共予有西山之好。

中林許師友，忽阻夙心期。  
自顧青綬好，來將黃鶴辭。  
少年輕遠涉，世道得無欺。  
煙雨孤舟上，晨昏千里時。  
離魂渺天末，相望在江湄。  
無限江南柳，春風卷亂絲。

同李司直題虎丘寺兼留諸公與陸羽之無錫

陵寢成香阜禪枝出白楊  
劔池留故事月樹即他方  
應世緣須別栖心趣不忘  
還將陸居士晨發泛歸航

夏日題鄭谷江上納涼館

迢遙山意外清風又對君  
若為於此地翻作路歧分別  
館琴徒語前洲鶴自羣  
明朝天畔遠何處逐閑雲

太湖館送殷秀才赴舉

春風洞庭路搖蕩暮天多  
衰疾見芳草別離傷遠波  
詩名推首薦賦甲擬前科  
數日聞天府山衣製芰荷

送重鈞上人遊天台

漸看華頂出幽賞

一作意尚

隨生十里行松色千重過水

聲海容雲正盡山色雨

一作態雪

初晴事事將心證知君道

可成

早春送顏主簿遊越東兼謁元中丞

輕舸趣不已東風吹綠蘋欲看梅市雪知賞柳家春別

意傾吳醕

一作醕

芳聲動越人山陰三月會內史得嘉賓

同顏使君清明日遊因送蕭主簿

誰知賞嘉節別意忽相和暮色汀洲徧春情楊柳多  
高城戀旌旆極浦宿風波惆悵支山月今宵不再過

送道琚上人還金陵

一與鍾山別山中得信稀經年求法後及夏問安歸  
野實充甘膳池花當綵衣慈親莫返拜外禮欲無為

送裴邕之上京

辭山偶世清挾策忽西行帆過隨江疾衣霑楚雪輕  
尚文須獻賦重道莫論兵東觀今多事應高白馬生



送珍上人還天竺兼寄廣通上人秦山人

江寺名天竺多居躡遠蹤  
春帆依柳浦輕履上蓮峯  
禪子兼三隱空書共一封  
因君達山信應向白雲逢

送張孝廉赴舉

名在諸生右家經見素風  
春田休學稼秋賦出儒宮  
別路殘雲濕離情晚桂叢  
明年石渠署應繼叔孫通

送劉司法之越

一本有州字

蕭蕭鳴夜角驅馬背城濠  
雨後寒流急秋來朔吹高三

山期望海八月欲觀濤幾日西陵路應逢謝法曹

送簡栖上人之建州覲使君舅

亂峯江上色羨爾及秋行釋氏推真子  
郗家許貴甥  
花新雨淨帆葉好風輕

海人以木葉為帆

千里依元舅迴潮亦

有情

一作迴橈  
有遠情

登開元寺樓送崔少府還平望驛

登望思慮積長亭樹連連悠揚下樓日  
杳映傍帆煙入夜四郊靜南湖月待船

送王居士遊越

野性配雲泉詩情屬風景  
愛作爛漫遊閒尋東路永何  
山最好望須上蕭然嶺

雜言重送皇甫侍御曾

人獨歸日將暮孤帆帶孤嶼  
遠水連遠樹難作別時心  
還看別時路

送演上人之撫州覲使君叔

臨川內史憐諸謝爾在生緣  
比惠宗遠別應將秦本去

幽尋定有楚僧逢  
停船夜坐親孤月  
把錫秋行入亂峯  
便道須過大師寺  
白蓮池上訪高蹤

送大寶上人歸楚山

厭上烏橋送別頻  
湖光爛漫望行人  
欲將夜舸陪嘉月  
肯住空林伴老身  
獨鶴翩翩翻飛不定  
歸雲蕭散會無因  
從何得道懷惆悵  
莫是人間屢見春

送侯秀才南遊

芳草隨君自有情  
不關山色與猿聲  
為看巖子灘頭石

曾憶題詩不著名

別一作送洞庭維諒上人

白雲關我不關他此物留君情最多情一作憶著春風生  
橘樹歸心不怕洞庭波

康造錄事宅送太祝姪之虔吉訪兄弟

阮咸別曲四座愁賴是春風不是秋漫漫江行一作帆訪

兄弟猿聲幾夜宿蘆洲

冬日梅溪送裴方舟宣州

平明正

一作走

馬上村橋花發

一作落

梅溪雪未消日短天

寒愁送客楚山無限路遥遥

一作迢迢

送韋向睦州謁獨孤使君記

才子南看多遠情閒舟蕩漾任春行新安江色長如此  
何似新安太守清

送至嚴山人歸山

一作送嚴上人

初到人間柳始陰山書昨夜報春深朝朝花落幾株樹

惱殺禪僧

一作翁

未證心

送僧遊一作揚州

平明擇鉢

一作環錫

向風輕正及隋堤柳色行知爾禪心還

似我故宮春物

一作草

肯傷情

對陸迅飲天目山茶因寄元居士晟

喜見幽人會初開野客茶日成東井葉露採北山芽文  
火香偏勝寒泉味轉嘉投鐺湧作沫著椀聚生花稍與  
禪經近聊將睡網賒知君在天目此意日無涯

渡前溪

不意入前溪愛溪從錯落清清鑑不足非是深難度  
送靈澈

我欲長生夢無心解傷別千里萬里心只似眼前月

寄路溫州

欲問采靈藥如何學無生愛鶴頗似君且非求仙情

浣紗女

一作王維詩  
題云白石灘

清淺白沙灘綠蒲尚堪把家住水東西浣紗明月下

待山月



夜夜憶故人長教山月待今宵故人至山月知何在

雜興

人生分已定富貴豈妄來不見海底泥飛上成塵埃

春陵登望

西底空流水東垣但聚雲最傷梅嶺望花雪正紛紛


投知己

若為令憶洞庭春上有閒雲可隱身無限白雲山要買  
不知山價出何人





御定全唐詩卷八百十八



總校官庶吉士臣張能照

校對官編修臣閔溥大

騰錄監生臣吳魯田

欽定四庫全書薈要

集部

御定全唐詩卷八百

十九至  
二十一

詳校官原任主事<sub>臣</sub>李斯咏



欽定四庫全書薈要卷一萬八千二百二十四

集部

御定全唐詩卷八百十九

皎然

兵後餘不亭重送盧孟明遊江西

孟明常引支子元道人修習禪心兼餌芝朮遂與  
予有棲山之契其宦情未遣故勸勉之

攜手曾此分恍如隔胡越倫侯古封邑榮盛風雨歇饑  
飈號空亭野草生故轍如何此路歧更作千年別馮軾



望遠道春山無斷絕朝行入郢樹夜泊依楚月佳士持  
操高揚才日昭晰離言何所贈盈滿有虧缺時節傷螻  
蛄芳菲忌鷓鴣予思鹿門隱心跡貴冥滅頽頽反之朮  
昔貌成冰雪歲晏期爾來銷聲坐巖穴

別山詩

時因主人寄風溪蘭若與道士石脇峯相鄰禪僧  
仙師時得道會至秋中值外緣有請別山懷舊遂  
有是詩

山翁亦好禪借我風溪樹採藥多近峯

一作秋蓬

汲泉有春

渡幽僧時相偶

一作遇

仙子或與晤自許戰勝心彌高獨

遊步如何區中事奪我林棲趣辭山下復上戀石行仍

顧宿昔情或乖庶幾跡無誤松聲莫相誚此心冥去住

### 同袁高使君送李判官使迴

庾公歡此別路遠意猶賒為出塘邊柳榮歸府中花馳  
陽照古堞遙思凝寒笳延步下前渚沂觴流淺沙湖光  
引行色輕舸傍殘霞



陪顏使君餞宣諭蕭常侍

江濤凋瘵後，遠使發天都。  
昏墊宸心及，哀矜詔命敷。  
恤民驅急傳，訪舊枉征艫。  
外鎮藩條最，中朝顧問殊。  
文皆正風俗，名共溢寰區。  
已事方懷闕，歸期早戒塗。  
繁笳咽水閣，高蓋擁雲衢。  
暮色生千嶂，秋聲入五湖。  
離歌猶宛轉，歸馭已踟躇。  
今夕庾公意，西樓月亦孤。

奉陪顏使君修韻海畢東溪泛舟餞諸文士

諸侯崇魯學，羔雁日成羣。  
外史刊新韻，中郎定古文。

魯公

著書依切韻起東  
字脚皆列古篆

菁華兼百氏

一作雅

素備三墳國語

思開物王言欲致君研精業已就歡宴惜應分獨望西  
山去將身寄白雲

今上初登極歲送皇甫孝廉赴選

孝廉即故大夫之子

行應會府春欲勸及芳辰北極天文正東風漢律新少  
年逢聖代歡笑別情親況是勲庸後恩榮襲爾身

同楊使君白蘋洲送陸侍御士佳入朝

久愛吳興客來依道德藩旋師聞杖杜歸路憶鞞鞬舊

佩蒼玉在新歌白芷繁  
今朝天地靜北望重飛翻

雪夜送海上人常州覲叔父上人殷仲文後

繼世風流在傳心向一燈  
望雲裁衲慣翫雪步花能交  
戰情忘久銷魂別未曾  
明朝阮家集知有竹林僧

送常清上人還舒州

瀟徐林反人思爾法楚信有迴船  
估客親宵語閒鷗偶晝

禪經聲合石漱塵尾拂江煙  
常說歸山意誅茅廬霍前

峴山送崔子向之宣州謁裴使君

楚思入詩清晨登峴山情秋天水西寺古木宛陵城琴  
匣應將往書車亦共行吾知江太守一顧重君名

送嚴明府入關謁黎京兆

春日異秋風何為怨別同潮迴芳渚沒花落畫山空旅  
候聞嘶馬殘陽望斷鴻應思右內史相見直城中

送丘秀才遊越

山情與詩思爛漫欲何從夜舸誰相逐空江月自逢春  
期越草秀晴憶剡雲濃便擬將輕錫攜居入亂峯

送楊校書還濟源

妖烽昨日靜故里近嵩丘楚月搖歸夢江楓見早秋鄉  
心無遠道北信減離憂禪子還無事辭君買沃州

送楊遂初赴選

秋風吹別袂客思在長安若得臨觴醉何須減瑟彈秉  
心凌竹柏仗信越波瀾春會文昌府思君每北看

送贇上人還京

久遊春草盡還寄北船歸沙鳥窺中食江雲入

一作滿

淨

衣秦原山色近楚寺磬聲微見說翻經館多聞似者一作

爾  
稀

送廣通上人遊江西

香爐七嶺秀秋色九江清自古多禪隱吾常愛此行尋  
師經鄂渚受請到青城離別人間事何闕道者情

送羅判官還壽州幕

君章才五色知爾得家風故里旋歸駕壽春思奉戎天  
寒長蛇伏颯烈文虎雄定頌張征虜桓桓戡難功

送李秀才赴婺州招

山開江色上孤賞去應遲綠水迎吳榜秋風入楚詞

一作

祠猿清獨宿處木落遠行時見說東陽守登樓為爾期

送薛逢之宣州謁廢使

一作謁  
裴使君

六月鵬盡化鴻飛獨冥冥秋烽家不定險路客頻經  
牛渚何時到漁船幾處停遙知詠史夜謝守月中聽

送德守二叔姪上人還國清寺覲師

道賢齊二阮俱向竹林歸古偈穿花線春裝卷葉衣僧

墟迴水寺佛隴啟山扉愛別吾何有人心強有違

同明府章送沈秀才還石門山讀書

身為郢

一作

令客心許楚山雲文墨應經世林泉漫誘

君欲隨樵子去惜與道流分肯謝申公輩治詩事漢文

送吉判官還京赴崔尹幕

江南梅雨天別思極春前長路飛鳴鶴離帆聚散煙清  
晨趨九陌秋色望三邊見說王都尹山陽辟一賢

送襄判官赴商幕



商洛近京師才難赴幕時離歌紛白紵候騎擁青絲會  
喜疲人息應逢猾虜衰看君策高足自此煙霄期

送李喻之處士洪州謁曹王

獨思賢王府遂作豫章行雄鎮廬霍秀高秋江漢清見  
聞驚苦節艱故傷遠情西邸延嘉士遺才得正平

送唐贊善遊越

田園臨漢水離亂寄隨關今日煙塵盡東西又未還長  
亭百越外孤櫂五湖間何處遊芳草雲門千萬山

送韋秀才

晨裝行墮葉萬里望桑乾  
舊說涇關險猶聞易水寒  
黃雲戰後積白草暮來看  
近得君苗信時教旅思寬

送陳秀才赴舉

諸侯懼削地選士皆不羈  
休隱脫荷芟將鳴矜羽儀  
甲科爭玉片詩句擬花枝  
君實三楚秀承家有清規

烏程李明府水堂同盧使君幼平送樊上人遊

五臺

身將劉令隱經共謝公翻有此宗師在應知我法存問  
心常寂樂為別豈傷魂獨訪華泉去秋風入雁門

送李季良北歸

風吹殘柳絲

一作綠

孤客欲歸時掩抑楚弦絕離披湘葉

衰前軍猶轉戰故國杳難期北望雁門雪空吟平子詩

送淳于秀才蘭陵覲省

歡言欲忘別風信忽相驚柳浦歸人思蘭陵春草生擷  
芳心未及視枕戀常盈此去非長路還如千里情

送至洪沙彌赴上元受戒

上元江中蔡州有梁戒壇

不肯資章甫勝衣被木蘭今隨秣陵信欲及蔡州壇野  
寺鐘聲遠春山戒足寒歸來次第學應見後心難

九日同盧使君幼平吳興郊外送李司倉赴選  
重陽千騎出送客為踟躕曠野多搖落寒山滿路隅晴  
空懸穉柿秋色起菱湖幾日登司會揚才盛五都

送盧孟明還上都

江臯北風至歸客獨傷魂楚水逢鄉雁平陵憶故園征

驂嘶別館落日隱寒原應及秦川望春華滿國門

送李少賓赴舉

豈謂江南別心如塞上行苦雲搖陣色亂水攪秋聲周  
谷雨未散漢河流尚橫春司遲爾策方用靜妖兵

留別閩士和

不慣人間別多應忘別時逢山又逢水只畏一作却却一作

恐來遲

送李道士

常隨山上下忽限江南北共是忘情人何繇肯相憶

送裴參軍還下邳舊居

北望煙鋪

一作銷

驃騎營虜烽無火楚天晴此時千里西

一作思

歸客泗上春風得及

一作返耕

送文會上人還富陽

悠悠渺渺屬

一作涉

寒波故寺思歸意若何長憶孤洲一作

舟二三

一作三二

月春山偏愛

一作賞

富春

一作陽

多

送維諒上人歸洞庭

從來湖上勝人間遠愛浮雲獨自還孤月空天見心地

寥寥一水

一作鏡

三境水

一作中山

九月八日送蕭少府歸洪州

明日重陽今日歸布帆絲雨望霏霏行過鶴渚知堪住  
家在龍沙意有違

同顏魯公泛舟送皇甫侍御曾

維舟若許暫從容送過重江不厭重霜簡別來今始見  
雪山歸去又難逢

送孫侍御遊越

不知持斧客吟會是何情  
丹陛恩猶在滄洲賞暫行  
江  
繞隨月泛山策逐雲行  
佳句傳零雨詩流許盛名

送顏處士還長沙覲省

西候風信起三湘  
孤客心天寒漢水廣  
鄉遠楚雲深  
服綵將侍膳擷芳思滿襟  
歸人忘一作志艱阻別恨獨何任

送還本上人遊江西

欲廣分何教心將江漢期  
雲招望寺處月待泝杯時  
真



侶誰傷別降猥汝自悲多應過廬阜幽賞却來遲

送路少府使京兼覲侍御兄

國賦推能吏今朝發貢湖佇瞻雙闕鳳思見柏臺烏樹  
向秦關遠江分楚驛孤榮君有兄弟相繼騁長途

於武原從送盧士舉

落日獨歸客空山仄

一作走

馬嘶蕭條古關外歧路更東

西大澤雲寂寂長亭雨淒淒君還到湘水寒夜滿猿啼

送烏程李明府得陟狀赴京

驛吏滿江城，深仁見此情。  
士林推玉振，公府薦冰清。  
為政移風久，承恩就日行。  
仲容綸綍貴，南巷有光榮。

送裴秀才往會稽山讀書

一身齋萬卷，編室寄煙蘿。  
硯滴穿池小，書衣種楮多。  
吟詩山響答，泛瑟竹聲和。  
鶴板求儒術，深居意若何。

送崔詹事論之上都

崔嘗典  
吳興

金虎城池在，銅龍劍佩新。  
重看前浦柳，猶憶舊洲蘋。  
遠思秦雲暮，歸心臘月春。  
青園昔遊處，惆悵別離人。

京口送盧孟明還揚州

蕭蕭北風起孤櫂下江濱  
暮客去來盡春流南北分  
萋萋御亭草渺渺蕪城雲  
相送目千里空山獨望君

送沙彌大智遊五臺

童年隨法侶家世本儒流  
章句三生學清涼萬里遊  
雲歸龍沼暗木落雁門秋  
長老應一作憶相問一作待傳予向

祖州

送稟上人遊越

雲泉誰不賞獨見爾情高  
投石輕龍窟臨流笑鷺濤  
折荷為片席灑水淨方袍  
剡路逢禪侶多應問我曹

送潘秀才之舒州

楚水清風生揚舲泛月行  
荻洲寒露彩雷岸曙潮聲  
東道思才子西人望客卿  
從來金谷集相繼有詩名

送王山人遊廬山

千里訪靈竒山資亦相隨  
葉舟過鶴市花漏宿龍池  
峯頂應閒散人間足別離  
白雲將世事吾見爾心知

送道契上人之越覲大夫叔

楚僧推後輩唐本學新經外國傳香氎何人施竹瓶秋  
風別李寺春日向柯亭大阮今為郡看君眼最青

送沙彌長文遊京

白版年猶小黃花偈已通若為詩思逸早欲似休公邁  
俗多真氣傳家有素風應須學心地宗旨在關東

秋日送擇高上人往江西謁曹王

超然獨遊趣無限別山情予病不同賞雲間應共行齋

容秋水照香艷  
早風輕曾被陳王識  
遙知江上迎

送如獻上人遊長安

關中四子教猶存  
見說新經待爾翻  
為法應過七祖寺  
忘名不到五侯門  
閒尋鄠杜看脩竹  
獨上風涼望古原  
高逸詩情無別怨  
春遊從遣落花繁

日曜上人還潤州

送君何處最堪思  
孤月停空欲別時  
露茗猶芳邀重會  
寒花落盡不成期  
鶴令先去看山近  
雲礙初飛到寺遲

莫倚禪功放心定  
蕭家陵樹誤人悲

寺院聽胡笳送李殷

一奏胡笳客未停  
野僧還欲廢禪聽  
難將此意臨江別  
無限春風葭莢青

送僧一作李繹

斜日搖一作憇揚在柳絲  
孤亭寂寂水逶迤  
誰堪別後行人盡  
唯有春風起路歧

荅裴評事澄菽花間送梁肅拾遺

波一作江上荻花非雪花  
風吹撩亂滿袈裟  
如今歲晏無

芳草獨對離樽作物華

送勝雲小師

昨日雪山記一作知爾名吾今坐石已  
三生少年道性易

流動莫遣秋風入別情

誚士和別

今日同明日隔何事悠悠久  
為客君憐溪上去來雲  
我羨磷磷水中石



送吳馮遊京

北期何意促蕙草夜來繁  
清月思淮水春風望國門  
此時休旋逸萬里忽飛翻  
若憶山陰會孤琴為我援

送僧遊宣州

一作宣城

楚山千里一僧行  
念爾初緣道未成  
莫向舒姑泉口泊

此中嗚咽為

一作易

傷情

宿支硎寺上房

上方精舍遠共宿  
白雲端寂寞千峯  
夜蕭條萬木寒山

光霜下見松色月中看却與西林別歸心即欲闌

荅胡處士

西山禪隱比來聞長道唯應我與君書上無名心忘却  
人間聚散似浮雲

荅張烏程

莫道謫官無主人秣陵才今日相親前溪更有忘憂處  
荷葉田田間白蘋

酬張明府

愛君詩思動禪心使我休吟待鶴吟更說郡中黃霸在  
朝朝無事許招尋

勞山居寄呈吳處士

官居鼎鼐古今無名世才臣獨一余賢閣御題龍墨燦  
詔歸補袞在須臾

御定全唐詩卷八百十九

欽定四庫全書薈要卷一萬八千二百二十五

集部

御定全唐詩卷八百二十

皎然

從軍行五首

候

一作雙

騎出紛紛元戎霍冠軍漢鞞秋聒地羌火晝燒

雲萬里戈

一作戎

城合三邊羽檄分烏孫驅未

一作不

盡膏

顧遼陽勲

韓旆拂丹霄漢軍新破遼紅塵驅鹵簿白羽擁嫖姚戰

苦軍猶樂功高將不驕至今丁零塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破  
虜功未錄勞師力已殫須防肘腋下飛禍出無端

飛將下天來奇謀閫外裁水心龍劍動地肺雁山開望  
氣燕師銳當鋒虜陣摧從今射鵰騎不敢過雲堆

黃紙君王詔青泥校尉書誓師張虎落選將掇犀渠霧

暗津蒲

一作浦

失天寒塞柳踈橫行十萬騎欲掃虜塵餘

隴頭水二首

隴頭

一作西

水

一作心

欲絕隴水不堪聞  
碎影搖槍壘寒聲

咽慢軍素從鹽海積  
綠帶柳城分日落天邊  
望遠迤迤入

塞雲

秦隴逼氐羌  
征人去未央  
如何幽咽水  
併欲斷君腸  
西

注悲窮漠東分憶故鄉  
旅魂聲攪亂無夢到咸陽

一作遼陽

塞下曲二首

寒塞無因見落梅  
胡人吹入笛聲來  
勞勞亭上春應度

夜夜城南戰未迴

都護今年破武威胡沙萬里鳥空飛旄竿瀚海掃雲出  
羶騎天山蹋雪歸

覽史

黃綺皆皓髮秦時隱商山嘉謀匡帝道高步遊天關不  
愛珪組紕却思林壑還放歌長松下日與孤雲閒

詠史

獨負高世資冥冥寄浮俗卞子去不歸何人辯荆玉鬻  
春意不淺汚迹身豈辱鸞鍛樂述遭虬蟠甘窘束五噫

譎且正可以見心曲

詠史

田氏門下客馮公衆中賤一朝市義還百代名獨擅始  
知下客不可輕能使主人功業成借問高車與珠履何  
如卑賤一書生

讀張曲江集

相公乃天蓋

一作敬

人文佐生成立程正顏靡繹思何縱

橫春杼美緗綺陽林敷玉英飄然飛動姿邈矣高簡情



後輩驚失步前修敢爭衡始欣耳目遠再使機慮清體

正力已全理精識何妙昔年歌陽春徒推郢中調今朝

聽鸞鳳豈獨羨

一作蘇

門嘯帝命鎮雄州待濟寄上流才

兼荆衡秀氣助瀟湘秋逸蕩子山匹經竒文暢儔沈吟  
未終卷變態紛難數曜耳代明璫襲衣同芳杜惜惜聞  
玉磬寤寐在靈府

奉酬陸使君見過各賦院中一物得江蘼

江蘼生古砌花每落禪牀嘉客未採掇空門自馨香名

因詩目見色對道心忘不過陸內史誰知殊衆芳

賦得謝墅送王長史

其墅即畫七代祖吳興守舊居

世業西山

一作西州

墅移家長我身蕭疎遺樹老寂寞廢田

春車巷傷前轍離溝憶舊鄰何堪再過日

一作北

更送北

歸人

夏日同崔使君論登城樓賦得遠山

遠山湖上小青翠望依稀纔向窓中列還從林表微色  
濃春草在峰起夏雲歸不是蓬萊島如何人去稀

詠數探得七

鄒子譚天歲黃童對日年求真初作傳鍊魄已成仙鶴  
駕迎緹嶺星橋下蜀川逢君竹林客相對弄清絃

奉同顏使君真卿送李侍御萼賦得荻塘路

落日車遥遥客心在歸路細草暗回塘春泉縈古渡遺  
踪歎蕪沒遠道悲去住寂寞荻花空行人別無數

賦顏氏古今一事得晉仙傳送顏逸

梁湘東王國常侍顏

協著晉仙  
傳五篇

曾看顏氏傳多記晉時仙却憶桐君老俱還桂父年青  
春留鬢髮白日向雲烟遠別費遺簡囊中有幾篇

賦得石梁泉送崔達

架石通霞壁懸崖散碧沙天晴虹影渡風細練文斜舉  
攀一作陟幽期阻沿洄客意賒河梁非此路別恨亦無涯

賦得夜雨滴空堦送陸羽歸龍山

同字

閒堦夜雨滴偏入別情中斷續清猿應淋漓候館空氣  
令煩慮散時與早秋同歸客龍山道東來雜好風

賦得燈心送李侍御萼

光字

燈心生衆草因有始知芳綵妓窓偏麗金桃動更香花  
驚春未盡焰喜夜初長別後空離室何人借末光

賦得竹如意送詳師赴講

青字

縹竹湘南美吾師尚毀形仍留負霜節不變在林青每  
入楊枝手因談貝葉經誰期沃州講持此別東亭

聽素法師講法華經

法子出西秦名齊漆

一作七

道人纔敷藥草義便見雪山

春護講龍來遠聞經鶴下頻應機如一雨誰不滌心塵  
詠馭上人座右畫松

寫得長松意千尋數尺中翠陰疑背日寒色欲生風真  
樹孤標在高人立操同一枝遥可折吾欲問生公

夏日

一作  
微雨

登觀農樓和崔使君

片雨拂簷楹煩襟四坐清霏微過麥隴蕭散

一作  
瑟瑟

傍莎

城靜愛和花落幽聞入竹聲朝觀趣無限高詠寄深

一作

閒情

妙喜寺達公院賦得夜磬送呂評事

一磬寒山至凝心轉清越細和虛籟盡踈繞懸

一作寒

泉

發在夜吟更長停空韻難絕幽僧悟深定歸客忘遠別  
寂歷無性中真聲何起滅

詠小瀑布

瀑布小更竒潺湲二三尺細脉穿亂沙叢聲咽危石初  
因智者賞果會幽人跡不向定中聞那知我心寂

仙女臺

得仙  
字

寂寂

一作冥

舊桑田

一作朱田

誰家

一作何時

女得仙應無鷄犬在

空有子孫傳古木花猶發荒臺路未遷

一作尚懸

暮來雲

一片

一作低不散

疑是欲

一作却

歸年

靈澈上人何山寺七賢石詩

七石配七賢隱僧山上移石性殊磊落君子又高竒  
跂禪服宜壞坐客冠可隳夜倚月樹影晝傾風竹枝集質  
患追琢表頑用磷緇佚火玉亦害塊然長在茲

潘丞孩子



愛子性情竒初生玉樹枝人曾天上見名向月中知我  
識嬰兒意何須待佩觿

南池雜詠五首

并序

余草堂在池上洲昔柳吳興詩汀洲採白蘋即此  
地也左右雲山滿目一坐遂有終焉之志會廣德  
中寇盜淮海騷動宵人肆志吾屬不安因賦南池  
五詠聊以自適

水月

夜夜池上觀禪身坐月邊虛無色可取皎潔意難傳若  
向空心了長如影正圓

溪雲

舒卷意何窮縈流復帶空有形不累物無迹去隨風莫  
怪長相逐飄然與我同

虛舟

虛舟動又靜忽似去逢時觸物知無迂為梁幸見遺因  
風到此岸非有濟川期

寒山

侵空撩亂色獨愛我中峰無事負輕策間行躡幽踪衆  
山搖落盡寒翠更重重

寒竹

裊裊孤生竹獨立山中雪蒼翠搖動一作勁風嬋娟帶寒  
月狂花不相似還共凌冬發

望遠村

林杪不可分水步遙難辨一片山翠邊依稀見村遠

惜暮景

踈陰花不

一作下

動片景松梢度夏日舊來長佳遊何易

暮

效古

天寶十四年

日出天地正煌煌闕晨曦六龍驅羣動古今無盡時夸

父亦何愚競走先自疲飲乾咸池水折盡扶

一作長

桑枝

渴死化爍火嗟嗟徒爾為空留鄧林在折盡

一作摧折

令人

嗤

古別離

代人答閻士和

太湖三山口吳王在時道寂寞千載心無人見春草誰

識

一作堪

緘怨者持此傷懷抱孤舟畏狂風一點宿烟鳥

望所思兮若何月蕩漾兮空波雲離離兮北斷鴻

一作鴈

眇眇兮南多身去兮天畔心折兮湖岸春風胡為兮塞  
路使我歸夢兮撩亂

擬長安春詞

春信在河源春風蕩妾魂春歌雜鷓鴣春夢繞轆轤春

絮愁偏滿春絲悶更繁春期不可定春曲嬾新翻

效古

思君轉戰度交河強弄胡琴不成曲日落應愁隴底難  
春來定夢江南數萬丈游絲是妾心惹蝶縈花亂相續

昭君怨

自倚嬋娟望主恩誰知美惡忽相翻黃金不買漢宮貌

青塚空埋胡

一作秦

地魂

銅雀妓

強開尊酒向陵看憶得君王舊日懽不覺餘歌悲自斷  
非關艷曲轉聲難

長門怨

春風日日閉長門搖蕩春心似一作自夢魂誰一作若遣花

開只笑妾不如桃李正一作自無言

哭吳縣房聳明府

仁人邁厚德可謂名實全撫迹若踈曠會心極精研履

危節詎屈

廣德初江南寇盜充斥賊通名宰長城縣屢至害而竟不就

著論識不偏

公著道性  
論一篇

恨以榮級淺嘉猷未及宣伊人期遠大志業

難比肩昭世既合并吾君藉陶甄柰何明明理與善徒

空詮徵教或稽聖窮源反問天一官自吳邑六翮委江

壖始是牽絲日翻成撒瑟年金膏果不就

房公昔日就沈道士學長

生之術畫以佛理難之

玉珮長此捐倚伏信冥昧天修驚後先安

知忘情子愛網素已褰為有深仁感遂令真性遷心悲

空林下淚灑秋景前夫子寡兄弟撫孤傷藐然傾雲為

慘結弔鶴共聯翩割念命歸駕訣詞向空筵樹桃陰始



合愛客位常懸幡然

一作恍若

遠行時崇望歸朝旋悟茲懽

宴隔哀被

一作彼

歲月延書帶變芳草履痕移綠錢冥期

儻可逢生盡會無緣

王坦之與生法師為冥期前死者歸報其罪福

幸願示因

業代君運精專

沈約死後冥中見十人因師云師急為我造經捨板作我苦難

相思轉

寂寞獨往西林泉欲見故人心時閱所贈篇素高陶靖節今重楚先賢芳躅將遺愛可為終古傳

哭覺上人

時絳刻中

憶君南適越不作買山期昨得耶溪信翻為逝水悲神

交如可見生盡杳難思白日東林下空懷步影時

題餘不溪廢寺

武原離亂後

一作武陵  
罹亂後

真界積塵埃殘月生秋水悲風

起故臺居人今已盡棲鴿暝還來不到無生理應堪賦

七哀

與宿吳匡山  
破寺詩畧同

同李洗馬入餘不溪經辛將軍故城

惓惓寒城望將軍下世時高墉暮草遍大樹野風悲辟

壘今惟

一作猶

在勳庸近可思蒼然古溪上川逝共悽其

憶天台

箬溪朝雨散雲色似天台應是東風便吹從海上來靈  
山遊汗漫仙石過莓苔誤到人間世經年不早迴

萬回寺

萬里稱逆化愚蠢性亦全紫紱拖身上妖姬安膝前

一作

邊見他拘坐寂故我是眠禪吾知至人心杳若青冥天

禪詩

萬法出無門紛紛使智昏徒稱誰氏子獨立天地元實

際且何有物先安可存須知不動念照出萬重源

哀教

本師不得已強為我著書知盡百慮遣名存萬象拘如  
何工言子終日論虛無伊人獨冥冥時人以為愚

聞鐘

古寺寒山上遠鐘揚好風聲餘月樹動響盡霜天空永  
夜一禪子泠然心境中

溪上月

秋水月娟娟初生色界天蟾光散浦溆素影動淪連何  
事無心見虧盈向夜禪

山雪

夕陽在西峰疊翠縈殘雪狂風捲絮迴驚猿攀玉折何  
意山中人誤報山花發

江上風

江風西復東飄暴忽何窮初生虛無際稍起蕩漾中應  
吹夏口檣竿折定感湓城浪花咽今朝莫怪沙岸明

一作

廟  
昨夜聲狂卷成雪

山雨

一片雨山半晴長風吹落西山上滿樹蕭蕭心耳清雲  
鶴驚亂下水香凝不然風迴雨定芭蕉濕一滴時時入  
畫禪

問遙山禪老

天與松子壽獨飲日月精復令顏子賢胡為天其生吾  
將尋河源上天問天何不平吾將詰仙老大道無私誰

強名仙老難逢天不近世人何人解應盡明朝欲向翅  
頭山問取禪公此義還

禪思

真我性無主誰為塵識昏奈何求其本若拔大木根妄  
以一念動勢如千波翻傷哉子桑扈蟲臂徒虛言神威  
興外論宗邪生異源空何妨色在妙豈廢身存寂滅本  
非寂誼諱曾未誼嗟嗟世上禪不共智者論

支公詩

支公養馬復養鶴率性無機多脫畧天生支公與凡異  
凡情不到支公地得道繇來天上仙為僧却下人間寺  
一作世道家諸子論自然此公唯許逍遙篇山陰詩友喧  
四座佳句縱橫不廢禪

述夢

夢中歸見西陵雪渺渺茫茫行路絕覺來還在剡東峰  
鄉心繚繞愁夜鐘寺北禪岡猶記得夢歸長見山重重

赤松

一作赤松澗



緣

一作綠

岸蒙籠出見天晴沙漑漑

一作歷歷

水濺濺何處羽

人長洗藥殘花無數逐流泉

戲題松樹

為愛松聲聽不足每逢松樹遂忘還  
倏然此外更何事  
笑向閒雲似我閒

戲題二首

看飲逢歌日屢曛  
我身何似繫浮雲  
時人不解野僧意  
歸去溪頭作鳥羣

喧喧共在是非間  
終日誰知我自閒  
偶客狂歌何所為  
欲於人事強相關

雜寓興

嗟嗟號呶子世稱  
謫僊儔媚俗被鮫  
鱗欺天薦昫修奔  
景謂可致馳齡言  
易流燕昭昧往事  
羸政亡前籌三山  
果不見九僊忽悠  
悠君看牛山樂君  
見麋浦遊昨日千  
金子聯綿成古丘  
吾將攬明月照爾  
生死流至樂享爰  
居慙貽達者尤冥  
冥光塵內機喪成  
海漚

雜興六首

吾觀談天客工言喪其精萬物資廣庇此中何有情若  
為昧顏跖修短怨太清高論讓鄒子放詞徵屈生請從  
象外推至論尤明明

短齡役長世擾擾悟不早嬪女身後空歡娛夢中好從  
教西陵樹千載傷懷抱鶴駕何冥冥鰲洲去浩浩柔顏  
感三花凋發悲蔓草月中伐桂人是誰翻使年年不衰  
老

誰高齊公子泣聽雍門琴死且何足傷殊非達人心  
獨高庭中鶴意遠貴氛埃有時青冥遊顧我還下來  
白雲琅玕色一片生虛無此物若無心若何卷還舒  
踈散遂吾性栖山更無機寥寥高松下獨有閒雲歸精  
意不可道冥然還掩扉

偶然五首

樂禪心似蕩吾道不相妨獨悟歌還笑誰言老更狂

偶然

一作世

寂無喧吾了

一作心

心

一作了

性源可嫌蟲食木

不笑鳥能言

隱心不隱跡却欲住人寰  
欠樹移春樹無山看畫山  
居喧我未錯真意在其間

虜語嫌不學胡音從不翻  
說譚顛倒是樂殺金王孫

真隱須無矯

一作不須矯

忘名要似愚只將兩條事空却漢

潛夫

問天

天公

一作翁

何時有談者皆不經誰道賢  
人死今為傳說

星

寓言

吾道本無我未曾嫌世人如今到城市彌覺此心真

前溪作

春歌已寂寂古水自涓涓徒誤時人輩傷心作逝川

戲作

乞我百萬金封我異姓王不如獨悟時大笑放清狂

浮雲三章

浮雲刺讒也蓋取夫盛明之時為浮雲所蒙非不明也小人比於君側讒言熒惑亦如浮雲之害明予覽古史極觀君臣之際敗亡之兆生於讒慝遂作是詩

浮雲浮雲集於扶桑扶桑茫茫日暮之光匪日之暮浮雲之汙嗟我懷人憂心如蠹

浮雲浮雲集於咸池咸池微微日昃之時匪日之昃浮雲之惑嗟我懷人憂心如織

浮雲浮雲集於高春高春濛濛日夕之容匪日之夕浮  
雲之積嗟我懷人憂心如愁

寓言

人生百年我過半天生才定不可換東海釣鼈鼈不食  
南山坐石石欲爛

若邪春興

春生若邪

溪一作

水雨後漫流通芳草行無盡清

春一作

源

去不窮野烟迷極

急一作

浦斜日起微風數處乘流望依



稀似剡中

晨登樂遊原望終南積雪

凌晨擁弊裘徑上古原頭  
雪霽山疑近天高思若浮  
瓊峰埋積翠玉嶂掩飛流  
曜彩含朝日搖光奪寸眸  
寒空標瑞色爽氣襲皇州  
清眺何人得終當獨再遊

送高季臯

比來知爾有詩名莫恨東歸學未成新  
豐有酒為我飲  
消取故園傷別情



御定全唐詩卷八百二十

欽定四庫全書薈要卷一萬八千二百二十六

集部

御定全唐詩卷八百二十一

皎然

弔靈均詞

昧天道兮有無聽汨

音

渚兮躊躇期靈均兮若存問神

理兮何如願君精兮為月出孤影兮示予天獨何兮有

君君在萬兮不羣既冰心兮皎潔上問天兮胡不聞天

不聞神莫覩若雲冥冥兮雷霆怒蕭條杳眇兮餘草莽

古山春兮為誰今  
援哀兮何思  
風激烈兮楚竹死  
國殤人悲兮雨颼颼  
雨颼颼兮望君時  
光茫蕩漾兮化為水  
萬古忠貞兮徒爾為

步虛詞

予因覽真訣遂感西城

一作域

君玉笙

一作皇

下青冥人間

未曾聞日華鍊精

一作魂

魄皎皎無垢氛  
謂我有仙骨且

令餌氤氲俯仰媿靈顏  
願隨鸞鵠羣  
俄然動風馭縹渺

歸青雲

奉應顏尚書真卿觀玄真子置酒張樂舞破陣  
畫洞庭三山歌

道流迹異人共驚寄向畫中觀道情如何萬象自心出  
而心澹然無所營手援毫足蹈節披縑灑墨稱麗絕石  
文亂點急管催雲態徐揮慢歌發樂音縱酒酣狂更好

攢峰若雨縱橫埽尺波澶漫意無涯片嶺峻嶒勢將倒  
盼睐方知造境難象忘神遇非筆端昨日幽竒湖上見  
今朝舒卷手中看興餘輕拂遠天色曾向峰東海邊識

秋空暮景颯颯容翻疑是真畫不得顏公素高山水意  
常恨三山不可至賞君狂畫忘遠遊不出軒墀坐蒼翠  
荅韋山人隱起龍文藥瓢歌

野人藥瓢天下絕全如渾金割如月彪炳文章智使然  
生成在我不在天若言有物不由物何意中虛道性全  
韋生能詩兼好異獲此靈瓢遠相遺仙侯玉帖人漫傳  
若士青囊世何秘一捧一開如見君藥盛五色香氛氲  
背一作階上驪龍蟠不睡張鱗擺領生風雲世人強知全

丹道默仙不成穢仙老年少紛如陌上塵不見吾瓢盡  
枯槁聊將繫肘步何輕便有三山孤鶴情東方小兒之  
此物遂令仙籍獨無名

桃花石枕歌贈康從事

卞山幽石產竒璞荆人至死採不著何人琢枕持贈君  
片片桃花開未落劍工見兮可為劍

昆吾石鐵  
可鑄為劍

玉工辨

兮知非石至寶由來覽

一作  
鑿

者稀今君獨鑿應欲惜何

辭售

一作  
集

與章

一作  
章

天真幸得提攜近玉人可中棄置



君不顧天生秀色徒璘玢四座喧喧爭目悅巧過造化  
稱一絕莫言昨日因錯磨看取從來無點缺六月江南  
暑未闌一尺花冰試枕看高窓正午風颯變室中不減  
春天寒主人所重重枕德文章外飾徒相惑更有堅貞  
不易心與君天下為士則

張伯英

一作伯高

草書歌

伯英死後生伯高朝看手把山中毫先賢草律我草狂  
風雲陣發怒鍾王須臾變態皆自我象形類物無不可

閱風遊雲千萬朶驚龍蹴踏飛欲墮更覩鄧林花落

一作

落葉

朝狂風亂攪何飄飄

一作飄飄

有時凝然筆空握情在寥

天獨飛鶴有時取勢氣更高憶得春江千里濤張生竒

一作草

絕難再遇

王小令草書古今稱草絕

草罷臨風展輕素陰慘陽

舒如有道鬼狀魑容若可懼黃公酒壚興偏入阮籍不  
嗔嵇亦顧長安酒榜醉後書此日騁君千里步

寒栖子歌

曾居廬山欲有事羅浮之行

君在廬山知不羣有疑是鶴又是雲生死塵埃汙不得

眼前榮利徒紛紛今日惠然來訪我酒榼書囊肩背荷

拂除衣上餌烟霞昨夜胥門宿蔡家天然不飲亦不食

拋名換姓覓不得且向人間作酒仙不肖將身生羽翼

停形為餌天地根

胎息道成

世人皆死我獨存洗慮因吞清

明錄世人皆貪我常足栖子妙今道已成手把玄樞心

運冥能令鬼哭神效靈身如飄風不可絆朝遊崆峒夕

汗漫向來坐客猶未散忽憶羅浮欲去時遙指孤雲作

路歧海上仙遊不可見人間日落空桑枝

翔隼歌送王端公

古人賞神駿何如秋隼擊獨立高標望霜翮應看天宇  
如咫尺低迴拂地凌風翔鵬鷃敢下雁斷行晴空四顧  
忽不見有時獨出青霞傍窮陰萬里落寒日氣殺草枯  
增奮逸雲塞斜飛攪葉迷雪天直上穿花疾見君高情  
有所屬贈別因歌翔隼曲離亭慘慘客散時歌盡路長  
意不足

白雲歌寄陸中丞使君長源

一見西山雲使人情意遠憑高發詠何超遙道妙如君

一作有

舒卷縈空疊景多麗容衆峰峰上自為峰

潔白不繇陰雨積高明肯共雜烟重萬物有形皆有著

白雲有形無

一作難

繫縛黃金被爍玉亦瑕一片飄然汗

不著或逢天上或人間人自營營雲自閒忽爾飛來暫

為侶忽然飛去莫能攀逸民對雲效高致禪子逢雲增

道意白雲遇物無偏頗自是人心見同異閭闔天門宜

曙看為

一作華

纓作蓋擁千官從龍合沓臨清暑

殿名

就日

逶迤繞露寒

宮名

誰憐西山雲亭亭處幽絕坐石長看非

我羈手中欲攬

一作攬

待君說貞白先生那得知只

一作解

向空山

一作山中

自怡悅

裴端公使君清席賦得青桂歌送徐長史

昔年攀桂為留人今朝攀桂送歸客秋風桃李搖落盡  
為君青青伴松柏謝公南樓送客還高歌桂樹凌寒山  
應憐獨秀空林上空賞敷華積雪間昨夜一枝生在月  
嬋娟可望不可折若為天上堪贈行徒使亭亭照離別

周長史昉畫毗沙門天王歌

長史畫神獨感神高步

一作妙

區中無兩人雅而逸高且

真形生虛無忽可親降魔大戟縮在手倚天長劍橫諸

紳慈威示物雖凜凜在德無秋唯有春吾知真象非本

色此中妙用君心得苟能下筆合神造誤點一點亦為

道寫出霜縑可舒卷何人應

一作能

識此情遠秋齋清寂

無外物盥手焚香聊自展憶昔胡兵圍未解感得此神

天上下至今雲旗圖我形為君一顧烟塵清

奉和顏魯公真卿落玄真子舴艋舟歌

楚章華臺成影

願諸侯落之

滄浪子後玄真子冥冥釣隱江之汜剡木新成舴艋舟  
諸侯落舟自茲始得道身不繫無機舟亦閒從水遠逝  
兮任風還朝五湖兮夕三山停綸乍入芙蓉浦擊汰時  
過明月灣太公取璜我不取龍伯釣鼈我不釣竹竿嫺  
嫺魚筴筴此中自得還自笑汗漫一遊何可期後來誰  
遇冰雪姿上古初聞出堯世今朝還見在堯時



鄭容全成蛟形木机歌

萬物貴天然天然不可得  
渾樸無勞剗剗工幽姿自可  
蛟龍質欲騰未去何翩翩  
揚袂爭前誰敢拂可中風雨  
一朝至還應不是池中物  
蒼山萬重採一枝形如器車  
生意竒風號雨噴心不折  
衆木千繁君獨知

廣德中鄭  
生避賊吳

興毗山於稠人之  
中遇予獨見稱賞

高人心多越格有時就月吟  
春風持

來座右驚神客愛君開閣江之濱  
白雲黃鶴長相親南  
郭子綦我不識非君獨是是何人

奉同顏使君真卿清風樓賦得洞庭歌送吳鍊

師歸林屋洞

名山洞府到金庭三十六洞稱最靈不有古仙啓其秘  
今日安知靈寶經中山鍊師栖白雲道成仙秩號元君

安之高仙者有元君次有夫人元君有秩比左仙公

三千甲子朝玉帝世上如今

名始聞吐納青牙養肌髮花冠玉舄何高潔不聞天上  
來謫仙自是人間授真訣吳興太守道家流仙師遠放  
清風樓應將內景還飛去且從分風當此留湖之山兮

樓上見山冥冥兮水悠悠世人不到君自到縹緲仙都  
誰與儔黃鶴孤雲天上物物外飄然自天匹一別千年  
未可期仙家不數人間日

夏銅椀為龍吟歌

并序

唐故太尉房公瑄早歲嘗隱終南山峻辟之下往  
往聞龍吟聲清而靜滌人邪想時有好事僧潛夏  
之以三金寫之唯銅聲酷似他日房公偶至山寺  
聞林嶺間有此聲乃曰龍吟復遷於茲矣僧因出

其器以告公命夏之驚曰真龍吟也大歷十三祀  
秦僧傳至桐江予使童兒夏金傲之亦不減秦聲  
也緇人或有譏者曰此達僧之事可以嬉娛爾曹  
無以瑣行自拘因賦龍吟歌以見其意

逸僧夏椀為

一作聞

龍吟世上未曾聞此音一從太尉房

公賞遂使秦人傳至今初夏徐徐聲漸顯樂音不管何  
人辯似出龍泉

一作淵

萬丈底乍怪聲來近而遠未必全

繇夏者功

一作工

真生虛無非椀中寥亮掩清笛縈迴凌

細風遙聞不斷在烟杪萬籟無聲天境空

聽專一境則衆音不聞非

萬籟之無聲也

乍一作昨

向天台宿華頂秋宵一吟更清迴能令

聽者易常性憂人忘憂躁人靜今日鏗鏗江上聞蛟螭

奔飛如得羣聲過陰嶺恐成雨響駐晴天將起

一作過

雲

坐來吟盡空江

江上一作江上

碧却尋向者聽

一作聲

無迹人生萬

事將此同暮賤朝榮動還寂

飲茶歌誚崔石使君

越人遺我剡溪

山一作

茗採得金牙爨金鼎素瓷雪色縹

一作飄香何似諸仙瓊藥粿一飲滌昏寐情來一作朗

爽一作朗滿天地再飲清我神忽如飛雨洒輕塵三飲便

得道何須苦心破煩惱此物清高世莫知世人飲酒多

一作徒自欺愁一作好看畢卓甕間夜笑向陶潛籬下時崔

侯啜之意不已狂歌一曲驚人耳孰知茶道全爾真唯  
有丹丘得如此

買藥歌送楊山人

華陰少年何所希欲餌丹砂化骨飛江南藥少淮南有

暫別胥門上京口京口斜通江水流  
裴回應上青山頭  
夜驚潮沒鷓鴣堰朝看日出芙蓉樓  
搖蕩一作蕩漾春風亂  
帆影片雲無數是揚州揚州喧喧賣藥市  
浮俗無由識  
仙子河間姹女直千金紫陽夫人服不死  
吾於此道復何如  
昨朝新得蓬萊書

薛卿教長行歌

時量移湖州別駕

桂陽仙柳道家說昔傳蘇君今是薛  
聊將握槊偶時人

便

一作却

被人間稱冠絕黃楊文局龜螭蟠琢成  
骰

一作頭

子雙琅玕初疑月破雲中墮復怪星移指下攢誰識兵

奇勢可保坐看將軍上

一作占

一道

長行有將軍梁

有時彩王

去聲

非所希笑擊單于出重圍鳧鷖擊疾如飛左顧右盼

生光輝家本聯姻漢戚里身是長安貴公子名高藝絕

何翩翩幾回決勝君王前

一作屢

遊長樂與祈年人望

青雲白日邊謫宦江南歲陰晚還將此道聊自遣繇來

君子行最長

長行經有君子行小人行

予亦知君寄心遠

桃花石枕歌送安吉康丞

并序



安吉古桃州也今為吳興右邑士遐副焉於南山  
獲桃花石異而重之珍於席上士遐將赴京師故  
帥詩人以君所寶之物高歌贈行

君吏桃州尚竒

一作寄

跡桃州採得桃花石爛疑朝日照

已舒含似春風吹未坼珪璋特達世所珍吾知此物亦  
其倫應羨花開不凋悴應嘉玉片無緇磷立性堅剛平  
若砥君子偏將交道比何人亦秉堅剛姿吾見君心得  
如此君心所好我獨知別多見少長相思從來賞翫安

左右萬里提攜君莫辭

賦得吳王送女潮歌送李判官之河中府

見說吳王送女時行宮直到荆溪口溪上千年送女潮  
為感吳王至今有乃知昔人繇志誠流水無情翻有情  
平波忽起二三尺此上疑與神仙宅今人猶望江之湄  
長令望者增所思吳王已歿女不返潮水無情那有期  
溪草何草號帝女溪竹何竹號湘妃靈濤旦暮自堪傷  
的爍嬋娟又爭發容歸千里自茲始覽古高歌感行子

不知別後相見期君意何如此潮水

觀李中丞洪二美人唱歌軋箏歌

時量移湖州長史

君家雙美姬善歌工箏人莫知軋用蜀竹絃楚絲清哇

哇音娃  
歌聲也

宛轉聲相隨夜靜酒闌佳月前高張水引何

一作

仍

淵淵美人矜名曲不誤感響時時如迸泉趙琴

一作瑟

素所佳齊謳世稱絕箏歌一動凡音輟凝弦且莫停金

壘淫

一無淫字

聲已闋雅聲來遊魚噉喁鶴裴回主人高情

始為開高情放浪出常格偶世有名道無跡勲業先登

上將科文章已冠諸人籍每笑石崇無道情輕身重色  
禍亦成君有佳人當禪伴於中不廢學無生愛君天然  
性寡欲家貧祿薄常知足謫官無愠如古人交道忘言  
比前躅不意全家萬里來湖中再見春山綠吳興公舍  
幽且閒何妨寄隱在其間時議名齊謝太傅更看攜妓  
似東山

陳氏童子草書歌

書家孺子有奇名天然大草令人驚僧虔老時把筆法

孺子如今皆暗合，颺揮電灑眼不及。但覺毫端鳴颯颯，  
有時作點險，且能太行片石看。欲崩偶然長掣，濃入燥  
少室，枯松歌不倒。夏室炎炎，少人歡。山軒日色在闌干，  
桐花飛盡子規思。主人高歌興不至，濁醪不飲嫌昏沈。  
欲翫草書開我襟，龍爪狀奇鼠鬚銳。水一作冰 戩白皙越  
人惠王家小令，草最狂為予灑出。一作揮灑 驚騰勢

飲茶歌送鄭容

丹丘羽人輕玉食，採茶飲之生羽翼。

天台記云丹丘出大茗服之羽化

名藏仙府世空

一作莫

知骨化雲宮人不識雲

一作雪

山童

子調金鑄楚人茶經虛得名霜天半夜芳草折爛漫

一作

煨

細花啜又

一作久

生賞君

一作常說

此茶祛我疾

一作賞君茶祛我疾

使人胷中蕩憂慄日上香鑪情未畢醉

一作亂

踏虎溪雲

高歌送君出

花石長枕歌荅章居士贈

楚山有石郢人琢琢成長枕知是玉全疑冰片坐

一作睡

恐銷間發花藜驚不足贈予比之金琅玕瓊花爛漫

一作

爛爛浮席端吾師道

一作遺

吾不執寶今日感君因執看試

叩鏗然應清律纖塵不留蠅敢拂萬物皆因造化資如

何獨負清貞質南山有雲鵠在空長松為我生涼風高

友

一作文

朗詠樂其中行住四儀皆道意不學小乘一曲

一作西竺

士唯將此物安座隅取次閒眠有禪味

### 觀王右丞維滄洲圖歌

滄洲誤是真萋萋忽盈視便有春渚情褰裳掇芳芷颯然風至草不動始悟丹青得如此丹青變化不可尋翻

空作有移人心猶言雨色斜拂座乍似水涼來入襟滄  
洲說近三湘口誰知卷得在君手披圖擁褐臨水時脩  
然不異滄洲叟

洞庭山維諒上人院階前孤生橘樹歌

洞庭仙山但生橘不生凡木與梨栗真子無私

一作松

自

不栽感得一株階下出細葉繁枝委露新四時常綠不

關春若言此物無道性何意孤生來就

一作就來

人二月三

月山初暖最愛低簷數枝短白花不用烏

一作鳥

銜來自



有風吹手中滿九月十月爭破顏金實離離色殷殷

一作

殷顏色

一夜天晴香滿山天

一作山

生珍木異於俗俗士來

逢不敢觸清陰獨步禪起時徙倚前看看不足

春夜賦得漉水囊歌送鄭明府

吳縑楚練何白皙居士持來遺禪客禪客能裁漉水囊

不用衣

良一作

工秉刀尺先師遺我式

戒一作

無缺一漉一

翻心敢賒夕望東峰思漱盥矐矐斜月懸燈紗徙倚花

前漏初斷白猿爭嘯驚禪伴玉瓶徐瀉賞

尚一作

涓涓濺

著蓮衣水珠滿因識仁人為宦情還如漉水愛蒼生聊  
歌一曲與君別莫忘寒泉見底清

湛處士枸杞架歌

天生靈草生靈地誤生人間人不貴獨君井上有一根  
始覺人間衆芳異拖線垂絲宜曙看裊回滿架何珊珊  
春風亦解愛此物裊裊時來傍香實濕雲綴葉擺不去  
翠羽銜花驚畏失宵羨孤松不凋色皇天正氣肅不得  
我獨全生異此輩順時榮落不相背孤松自被斧斤傷

獨我柔枝保無害黃油酒囊石碁局吾羨湛生心出俗

一作吾湛生  
心出世俗

擷芳生

一作生

影風灑懷其致脩然此中足

### 觀裴秀才松石障歌

誰工此松唯拂墨巧思丹青營不得初寫松梢風正生  
此中勢與真松爭高柯細葉動颯颯乍聽幽颺如有聲  
左右雙松更竒絕龍鱗麈尾仍半折經春寒色聚不散  
逼座陰陰將下雪荆門石狀凌璵璠感成數片倚松根  
何年蓊蓊苔黏跡幾夜潺潺水擊痕裴生詩家後來

容為我開圖翫松石對之自有高世心何事勞君上山屐

送顧處士歌

吳興丘司議之女聳即况也

吳門顧子予早聞風貌真古誰似君人中黃憲與顏子

物表孤高將片雲性背時人高且逸平生好古無儔匹

醉書在篋稱絕倫神畫開厨怕飛出謝氏檀郎亦可儔

道情還似我家流安貧日日

一作用晦

讀書坐不見將名干

五侯知君別業長洲外欲行秋田循

一作修

畎澮門前便

取殼鯁乘腰上還將鹿盧

一作韃韃

佩禪子有情非世情御

并貢餘聊贈行滿道喧喧遇君別爭窺玉潤與冰清

水精數珠歌

西方真人為行密

一作密

臂上記珠皎如日佛名無著心

亦空珠去珠來體常一誰道佛身千萬身重重只向心中出

兵後西日溪行

并序

沈羲仙記銅峴地肺可以逃水又聖桃源記天地  
改花源在即此地也此一章靈澈上人可以志之

一從清氣上為天仙叟何年見乾海黃河幾度濁復清  
此水如今未曾改西尋仙人渚誤入桃花穴風吹花片  
使我迷時時問山鷺踏雪石梁丹竈意更奇

石梁丹竈  
銅峴仙人

渚靈跡  
有四所

春草不生多故轍我來隱道非隱身如今世上  
無風塵路是武陵路人非秦代人飯松得高侶濯足偶  
清津數片昔賢磐石在幾回並坐戴綸巾

姑蘇行

一作  
臺

古臺不見秋草衰

一作  
妻

却憶吳王金盛時千年月照秋

草上吳王在時幾回望至今月出君不還世人空對姑  
蘇山山中精靈安可覩轍跡人踪麋鹿聚嬋娟西子傾  
國容化作寒陵一堆土

短歌行

古人若不死吾亦何

一作有

所悲蕭蕭烟雨九原上白楊

青松葬者誰貴賤同一塵死生同一指人生在世

一作萬代

共如此何異浮雲與流水短歌行短歌無窮日已傾  
宮梁苑徒有名春草秋風傷我情何為不學金仙侶一

悟空王無死生

山月行

一作關山月  
末句缺一字

家家望秋月不及秋山望山中萬境長寂寥  
夜夜孤明我山上海人皆言生海東  
山人自謂出山中憂虞歡樂皆占月月本無心  
同不同自從有月山不改古人望盡今人在  
不知萬世今夜時孤月將誰更待

一作孤月  
將誰更相

顧渚行寄裴方舟



我有雲泉隣渚山山中茶事頗相關  
鷓鴣鳴時芳草死

山家漸欲收茶子伯勞飛日芳草滋  
山僧又是採茶時

繇來慣採無近遠陰嶺長兮陽崖淺  
大寒山下葉未生

小寒山中葉初卷

二山名

吳婉

一作吳婉姓

攜籠上翠微  
蒙蒙香

刺骨春衣迷山

一作山迷

乍被

一作可

落花亂度水時驚  
啼鳥

飛家園不遠乘露摘歸時露彩猶滴瀝  
初看怕

一作抽

出

欺玉英更取煎來勝金液  
昨夜西峰雨色過  
朝尋新茗

復如何女宮露澀青芽老  
堯市人稀紫筍多  
紫筍青芽

誰得識日暮採

一作採

之長太息清冷真人待子元

仙傳清冷

真人裴君與道人支子元為友

貯此芳香思何極

### 武源行贈丘卿岑

昔年羣盜阻江東吳山動搖楚澤空齊人亦戴蜂蠆毒

美稷化為荆棘藜洶洶四顧多窟穴浮雲白波名不同

萬人死地當虎口一旦生涯懸鼓

一作鼓

中昨日將軍狗

死節悉向生民陷成血胸中豹畧張陣雲握內虵矛揮  
白雪長洲南去接孤城居人散盡鼓譟驚三春不見芳

草色四面唯聞刁斗聲此時狂寇紛如市君當要衝固

深壘縱橫計出皆獲全士卒身先每輕死埽平氛祲望

吳門人間歲美桑柘繁比屋生全一作全生受君賜連營罷

戰賴一作頂君恩如何棄置功不一作未錄通籍無名滯江

曲灞亭不重李將軍漢爵猶輕蘇屬國荒營寂寂隱山

椒春意空驚故柳條野戰攻城盡一作只如此即今誰是

霍嫖姚

長安少年行

翠樓春酒蝦蟇陵長安少年皆共矜紛紛半醉綠槐道  
蹀躞花驄驕不勝

風入松

西嶺松聲落日秋千枝萬葉風颼颼美人援琴弄成曲  
寫得松間聲斷續聲斷續清我魂流波壞陵安足論美

人夜坐月明裏含少商兮點

一作照

清徵風何淒

一作淒清

兮

颼颼

一作何飄颼

攪寒松兮又夜起夜未央曲何長金徽更

促聲泱泱何人此時不得意意苦弦悲聞客堂

陪盧中丞閑遊山寺

此首與和闍士和李  
蕙冬夜宴集詩略同

野寺出人境捨舟登遠峰  
林開明見月萬壑靜聞鐘  
擁燭明山翠交麾動水容  
如何股肱守塵外得相逢

湖南草堂讀書招李少府

削去僧家

一作中

事南池便隱居為憐松子壽還卜道家

書藥院常無客茶樽獨對余  
有時招逸史來飯野中疏

答李季蘭

天女來相試

一作識

將花欲染衣禪心竟不起還捧舊花

歸

酬鄭判官湖上見贈

歲歲湖南隱已成如何星使忽知名  
沙鷗慣識無心客今日逢君不解驚

送旻上人遊天台

真心不廢別試看越溪清知汝機忘盡  
春山自有情月思華頂宿雲愛石門行  
海近應須汎無令鷗鷺驚

送別

聞說情人怨別情  
霜天浙瀝在寒城  
長宵漫漫角聲發  
禪子無心恨亦生


與昂上人兩字繼合四句初字日

有一鳥雛凌寒獨宿  
若逢雲雨兩兩相逐

次日

野外有一人獨立  
無四隣彼見是我身  
我見是彼身

御定全唐詩卷八百二十一



總校官庶吉士臣張能照

校對官編修臣閔懋大

謄錄監生臣吳魯田